

夏末初秋的诗

1.
藉草沾衣露，沿溪掠面风。桐凋无茂绿，莲老有疏红。小酌欹危度，邻园曲折通。新秋得强健，一笑莫匆匆。——陆游《初秋》
2.
小小园亭亦自佳，晚云过雨却成霞。烂开栀子浑如雪，已熟来禽尚带花。——杨万里《初秋行圃四首》
3.
野水竹间清，秋山酒中绿。送子此酣歌，淮南应落木。——欧阳修《初秋普明寺竹林小饮钱梅圣俞分韵得亭皋木叶》
4.
秋杪方攀玉树枝，隔年无计待春晖。自嫌暂作仙城守，不逐莺来共燕飞。——唐彦谦《初秋到慈州冬首换绛牧》
5.
楚客秋多兴，江林月渐生。细枝凉叶动，极浦早鸿声。胜赏睽前夕，新诗报远情。曲高惭和者，惆怅闭寒城。——郎士元《酬萧二十七侍御初秋言怀》
6.
九华曾屏迹，罹乱与心违。是处堪终老，新秋又未归。病中芳草歇，愁里白云飞。樵侣兼同志，音书近亦稀。——罗隐《初秋寄友人》
7.
生世元浮脆，人言七十稀。耄期今已及，气力固应微。食冷常忧过，追凉每念归。入秋才几日，卷箠换缣衣。——陆游《初秋》

8.
初夜月犹淡，入秋风已清。萤孤无远照，蝉断有遗声。命薄惭勋业，才疏负圣明。青鞋若耶路，亦足慰平生。——陆游《初秋》

9.
落日无情最有情，遍催万树暮蝉鸣。听来咫尺无寻处，寻到旁边却不声。——杨万里《初秋行圃》

10.
雨气排残暑，风声送早秋。拂窗闻叶落，绕井看萤流。卧起须人助，炊春尚自谋。萧条岁将晚，百虑入搔头。——陆游《初秋》

11.
兀兀终年醉，空空四壁穷。那知双雪鬓，又度几秋风。高枕三峰老，深衣独乐翁。骑驴向何许，——陆游《初秋》

12.
江渚秋风至，他乡离别心。孤云愁自远，一叶感何深。忧喜尝同域，飞鸣忽异林。青山西北望，堪作白头吟。——张九龄《初秋忆金均两弟》

13.
落星初伏火。秋霜正动钟。北阁连横汉。南宫应凿龙。祥鸾栖竹实。灵蔡上芙蓉。自有南风曲。还来吹九重。——庾信《奉和初秋诗》

14.
夏去暑犹在，雨余凉始来。堦前已流水，天外尚惊雷。曲几静中隐，衡门闲处开。壮心都已矣，何事更装怀。——邵雍《初秋》

15.
斜廊连绮阁，初月照宵帟。塞冷鸿飞疾，园秋蝉噪迟。露结林疏叶，寒轻菊吐滋。愁心逢此节，长叹独含悲。——李世民《初秋夜坐》

16.
越城芳径手亲栽，红浅黄深次第开。不用小山招陷赋，身如强健日千回

。——范成大《初秋闲记园池草木》

17.

闲梦正悠悠，凉风生竹楼。夜琴知欲雨，晓簟觉新秋。独鸟楚山远，一蝉关树愁。凭将离别恨，江外问同游。——温庭筠《初秋寄友人》

18.

千里风云契，一朝心赏同。意尽深交合，神灵俗累空。草带销寒翠，花枝发夜红。唯将澹若水，长揖古人风。——骆宾王《初秋于窦六郎宅宴》

19.

玉琯凉初应，金壶夜渐阑。沧池流稍洁，仙掌露方溥。雁声风处断，树影月中寒。爽气长空净，高吟觉思宽。——杨师道《初秋夜坐应诏》

20.

展骥端居暇，登龙喜宴同。缔赏三清满，承欢六义通。野晦寒阴积，潭虚夕照空。顾惭非梦鸟，滥此厕雕虫。——骆宾王《初秋登王司马楼宴得同字》

21.

不觉初秋夜渐长，清风习习重凄凉。炎炎暑退茅斋静，阶下丛莎有露光。——孟浩然《初秋》

22.

独对秋筠倒晚壶，喜无吏舍四歌呼。柳梢一壳兹缁滓，屋角双班谷古孤。——杨万里《初秋戏作山居杂兴俳体十二解》

23.

欹枕直庐暇，风蝉迎早秋。沈沈玉堂夕，皎皎金波流。对掌喜新命，分曹谐旧游。相思玩华彩，因感庾公楼。——权德舆《初秋月夜中书宿直，因呈杨阁老》

24.

秋光净无迹，莲消锦云红。只有溪上山，还识扬舸翁。如何白蘋花，幽渚笑凉风。——顾况《初秋莲塘归》

本文链接：<https://duanjuziku.com/duanjuzi/q6an87okww.html>